



10. Maj 2019

UPA 2019/54  
Aqqalu C.Jerimiassen

**Ulloq 1. juuli 2020 aallarnerfigalugu ATV-nut qamuterallannullu akitsuutit peeqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaqaq Justus Hansen, Demokraatit)

Akitsuusersuineq isumaani tamatigut orniginartuunngisaannarpoq, siunnersuuteqartorlumi qamuterallannut ATV-nullu eqqussinermut akitsuusiisarnarup atorunnaarsinneqarnissaanut isummernera Atassummiit soqutiginaateqartipparput.

ATV inoqarfinni minnerusortatsinniittuni ulluinnarni atungaalluaqaat assartuinnermut sulinnermullu tunngatillugu, taamaattumillu tamassumunnga tunngatillugu Atassummiik tamannartaa isumaqataaffigaarput. Inoqarfiit minnerusut biileqarfiunngitsuni qanorluunniit ATV assartuutit atugaaneri avaqunneqarsinnaanngilluinnarmata pissusissamisuuinnassaaq, inoqarfinni annersuni Hybrid aamma biilit sarfatortut akitsuuteqartinnikkutsigit ATV sullisit inoqarfinni minnerni akitsuutaarutsinneqarnissaat. Maluginiaqulluguli ugguuna, sullisit ATV pineqassammata.

Qamuterallannut tunngatillugu unneqqarissumik Atassummiik oqartariaqarpugut, siunnersuuteqartup siunnersuutaa ilaannakortumik tassuunakkut isumaqatigineqarsinnaammat.

Taamaattorli erseqqissumik taarusupparput, qamuterallaat sulinnermut, assersuutigalugu aalisarnarup iluani assartuinnermi, inoqarfiit minnerit akornngani sikukkut ulluinnarni pisariaqarlunartunik assartuinnermut tunngassuteqartillugu Atassummiit isuma tapersernartikkatsigu. Tassami inuussutissarsiortortatta oqinnerusumik aallartisassagunik aningaasartuutit appasinnerunissaat atorfissaqartilluinnarpaat. Minnerunneqqaarlumi qamuterallaat eqqarsaatigissagaanni sullisit angisuut nakussat akikinngitsukasiummata. Assersuuteqalaariaraannimi qamuterallaat Yamaha Viking VK540IV kr.100.000 pallillugu akeqarput, tassuunakkullu ersersippa sullisinik nakussanik pitaassagaanni akikitsuinnakasiunngitsoq.

Ilaannakortumik isumaqataanitta ersersinnerani peqqutaasoq annerpaaq tassaavoq, sinnerissami inoqarfinni annersuni minnerusunilumi qamuterallaat pinngussatut taaneqarsinnaasut annertuupilussuarmik atungaammata. Pinngortitarpur tassani eqqarsaatigisariaqarparput ila! Qamuterallaat pinngussatut taaneqarsinnaasut qimuttoqarfiusumeerluni arlalitsigit akornutaasarsinnaanerit takornartaanngilaq, qimmeq naamasarissuuvoq, qimunnerminilu aput imigarisarppaa. Qamuterallannik pinnguartut tamatigut eqqarsaatigineq ajorpaat suna aqqutaluginerlugu, sisorartartut aqqutaajuppat, imeqarfiuppat qimussilluunniit aqqutaajuppata qamuterallannik pinngussanik aqqusaartorneqartillutik innarlerneqartarput. Benzinaq pujua



imeqarfinnut tukkaami immaannaq piingassaangilaq. Piniariarfinni aqissiliarnerup nalaani nipaalluinnartumiilluni timmissat tuttareqisut qimaassutigisarpaat. Taamaattumik Atassummiik ima erseqqitsigisumilluunnit oqaaseqarusuppugut; qamuteralaat assigiinngisut allaat akkittuusersorneqarnerisa qaffanneqarsinnaaneri misissorneqarniarli. Aalisartortatta, inoqarfinni minnerusuni biileqarfiunngitsuni najugaqartortatta sulinermullu tunngatillugu atuisortatta qamuteralaat Yamaha Viking VK540IV-tut ittut akitsuutai peerniarlik ajunngilaq. Illuanilli assersuutingalugu Ski Doo Summit X E-tec-itut ittut assartuinnermut imaluunnit sulinnermut qanorluunnit atorsinnaanngitsut, taamaallalli asuli aallarsaqattaarniutitappaaffiginagit. Taannalu imatut paasineqartariaqarpoq; atorfissaqartinneqartut akitsuutaarullugit, taavalu asuli pinngortitatsinnut aserorsaataasumik atorneqartut appaaffiginagit.

Taamatullu oqaaseqarluta Atassummiik allannguutissatut siunnersuummik ima ittumik saqqummiiumavugut:

**“Ulloq 1. Juuli 2020 aallarnerfigalugu ATV-nut qamuteralannullu sullisinut akitsuutit peeqqullugit, qamuteralannullu minnernut sulinnermut atorneqarneq ajortunut akitsuutip qaffaanissaa pillugu Naalakkersuisut misissueqqullugit peqquneqarnissaannik Inatsisartut aalajagiiffigisassaatur siunnersuut.”**